

صاحبی ، مدیری ، محرری :

طاہر المولوی

آبونہ بدلی :

منہ لکی ۱۰۰ غروش

آلتی آیلنی ۵۰ »

اوج آیلنی ۲۵ »

محفصل

۱۳۳۸

ادارہ خانہ سی :

شہزادہ باشندہ (تعالی اسلام)

جمعیتی مرکز عمرہ میسی

مرکز توزیعی :

باب عالی جادہ سندھ اتحاد

تجارت کتب خانہ سی

اسلامک نفعہ خادم مقالات

مع الشکر قبول و دوج اولونور

دینی ، علمی ، ادبی ، اجتماعی و شہید بلک شہری مجموعہ اسلامیدر

فی ۷ بوجوق غروش

۱۳۳۹ محرمہ مخصوص نسخہ

عدد : ۳

محررات

- محفصل دینی و علمی : وعید قرآنی - اورفہلی محمود کامل . انبیایہ انزال اولونان دین ، بر دیندر - اسکبلی محمد عاطف .
- برآیت مناسبتیہ - فرید . حکمت تشریع - صدرالدین . صوفیہ نک روح حقندہ کی تلقیاتی - آقہ کیلی احمد حمدی .
- محفصل تاریخی : محرم الحرام - طاہر المولوی . مشرکین عربک مشہور پوتلری - طاہر المولوی .
- محفصل اجتماعی : اسلام حیات اجتماعیہ سندھ آتیلاجی خطوہ لردن - علی خلیبی .
- محفصل ادبی : غنی کشمیری و بعض ابیاتی - طاہر المولوی . برقطہ - طاہر المولوی . رباعی - شیخ عبدالباقی . نظم - محی الدین رائف .
- متنوعہ : برغنی ، استخلاف .

تبریک : سال جدیدک بالجلہ اخوان دین حقندہ متیمن اولماسی لطف الہیدن متمنادر

اسلام یولی

فاتح درسعاملرندن ابتداء داخل مدرسہ سی . مدیر عمومیتی اسکبلی عاطف اقدی طرفدن تألیف ایدلش اولان بو اثر ہر مسلمانک بیلغی لازمکن احکام اعتقادیہ و احکام عملیہ ، اخلاق و آداب اسلامیہ ایلہ حکم و فوائد تشریعیہ بی حاوی واجتماعیات و سیاسیاتہ دائر اصول اسلامیہ بی محتویدر .

ہر کسک آکلایہ جنی طرز اوزرہ آچیق ترکیہ اولہرق یازلش غایت قیمتدار بر علم خالدرکہ اوقویانلرہ دین ووحی افاضہ ایدر . بالخاصہ اولیای اطفالہ توصیہ اولنور .

محل فروختی : حکاکردہ کتابچی راشد افندینک دکانی ایلہ باب عالی جادہ سندھ اقبال کتب خانہ سیدر .

مقطرات و جیبی حاوی اولان

ربع دائرہ نک صورت استعمالی

اسطرلابدن سوکرہ ترکر طرفدن ایجاد ایدلش وامریقا کاشفی قریستوف قولومیک اننای سترندہ استعمال قیلنمش اولان ربع دائرہ ، بین الاسلام و بین الموقنین کثرتلہ قولالانیمقدہدر . علم ہیأتک کافہ تطبیقاتی و تخصیص اوقات شرعیہ و تفرعاتی فایت بسیط بر صورتہ حل ایلبان مذکور آلتک صورت استعمالی حقندہ کی تعریفات شکل اوزرنده سلیس بر افادہ ایلہ ، منتسین علم ہیأتدن اخذضیا بک طرفدن ، یازیلوب طبع ایدلمکدہ اولدینی خبر آلمشدر .

قرآن نه درجه توفیق حال و حرکت ایتشسه او نسبتده ترقی و عکس تقدیرده ینه او نسبتده تدنی ایله مشدر.

بز عثمانلیر - صدهزار تأسف - صوک زمانلرده ، بالخاصه مشروطیتدن صوکر حضرت قرآن وانک احکام منیفه سنی مهمل عد ایتکله دوچار اولدیغمز خسران مبین میداندهدر .

زمان ده نیلن امر موهوم اعتباری بی برطرفه براقه رق هر مسلم و مسلمه ؛ بو آیت کریمه بی اوقور ، برده وضعیت حاضره اجتماعیه مزى کوز اوکته کتیره جک اولورسه آیت کریمه نك عادتا بوکون بزم ایچون نازل اولدیغنده شبهه ایتمز .

(بعثنا علیکم عباداً لنا اولی بأس شدید فجاء سوا خلال الدیار وکان وعداً مفعولاً) شیمدی ای قارء متفکرا ! « علیکم » ده کی ضمیر خطابدن مراد کیم اولدیغنی دوشون و بونی تعیین ایتدکن صوکر - که تعییننده مشکلات چکمه یه چککدن امینم - اوکا کوره حرکت ایت .

حضرت قرآن ؛ بوتون صدای صمدانیسیله بزى ایقاز ایدرک دیورکه : ای مسلمانلر ! یا بزم احکام جلیله مه بوتون حرکات و سکنا تکزده اتباع ایدرک اسکی اجتماعى درجه کزه نائل اولورسکمز ، یا خود بی مهمل براقه رق یو وار لاقده بولوندیغکمز اوچور و مدن اسفل السافلینه قدر کیده رسکمز که اوراسی - دنیاده - اقوام ظالمه چیزمه سنک آلتیدر !

اورفلی

محمود کامل

انبیای عظام حضرتانه وحی و انزال اولنان دین ؛ بر دیندر

[شرع لکم من الدین ما وصی به نوحا والذی اوحینا الیک وما وصینا به ابراهیم و موسی و عیسی ان اقیمو الدین ولا تفرقوا فيه] یعنی [ای امت محمد ! الله تعالی حضرتلری ،

نوح ، محمد ، ابراهیم ، موسی ، عیسی و سایر انبیایه امر ایلدیکی دین و طریق اسلامی سزه بیان ایتدی . تصدیق و قبولی واجب اولان اساسات دینییه ایمان ایدوب انقیادی واجب اولان احکامه اطاعت ایدرک اصول دین و ارکان اسلام ده تفرق و اختلاف ایتکمز] نظم جلیلی مفاد نجه بتون پیغمبران کرامه وحی و انزال اولنان دین حق ؛ بر دیندر . [ان الدین عند الله الاسلام] قول کریمی مقتضاسنجه ده اودین حق ؛ دین اسلامدر .

ناسک خالق کائنات و مدبر عوالم اولان ذات اقدس الهی به تقرب سعادت نه نائل اولملری انجق رسل کرام و انبیاء عظامک تعلیم و تبلیغی ایله ممکن و قابل اوله بیله چکسندن مشارالیه حضرتانک جمله سی خلقی من طرف الله نازل اولان دین حقه ، دین اسلامه دعوت ایتشلردر .

دین اسلام ؛ اولاً حضرت آدم علیه السلامه ، بعده سایر انبیاء و رسل کرام حضرتانه وحی و انزال اولمش و عادات و سنن الهیه اقتضاسنجه تدریجاً تکمل ایدرک اک صوک اولق اوزره حضرت محمد علیه السلامه نازل اولمشدر .

حضرت محمد ؛ بودین حقى عموم ناسه تبلیغ ایتک اوزره بعث اولمش و بونک ایچون شریعتی خاتم الشرایع و کندیبی خاتم الانبیاء اولمشدر .

[و انزلنا الیک الکتاب بالحق مصداقاً لما بین یدیه من الکتاب] یعنی [ای محمد ؛ سکا حق و صدق ناطق و کتب سماویة متقدمه بی مصدق اوله رق بر کتب کامل انزال ایلدک] نظم مبینی ایله قرآن کریم ؛ اصول دینده سائر کتب سماویة الهیه بی مصدق و بو خصوصده آناره موافق اولدیغنی بیان بیورلقددهدر .

بناء علیه رسل کرام و انبیاء عظام حضرتانه وحی و انزال اولنان دین جلیل اسلام ؛ اصولده متحد قدیم بر دیندر . عموم پیغمبران عظام حضرتانی بو خصوصده متفقد لر .

جمله سی خلقی دین حقه دعوت ایتک وظیفه مقدسه سینده اتفاق ایتدکن باشقه بوجه آتی اصول اسلامیه ده اجتماع و اتفاق ایتشلردر :

وایشته دین جلیل اسلامك خطوط اساسیه سی ده اصول مذکورہ در .

بناءً علیہ عرض اولان اصول اسلامیه بی جزماً قبول وتصدیق ایدن؛ مؤمن و مسامدر ، قبول ایمان هر نه قدر مسلمان صلبندن کسه واسمیه ده مسلمانلره مخصوص اسم اولسه بینه او آدم؛ دین اسلامك اصولی ، خطوط اساسیه سنی قبول ایتمدیکی و بو صورتله اهل قبله اولمقدن حقیقش بولندینی جهتله مؤمن و مسلم دکلدر .

اعصار و ام و امکنه نك تبدل و اختلافیه بالاده مذکور اولان اصول اسلامیه ده تفاوت و تخالف وقوعی متمتع اولدینی جهتله قرآن کریمك احتوا ایلدیکی اصول اسلامیه واركان دین ، تورات ، زبور ، انجیل و سائر کتب الہیہ نك محتوی اولدینی اصول اسلامیه نك عیندر . هیچ برنده برکونه فرق و تفاوت یوقدر . شو حالده قرآن کریم؛ کتب سالفه بی اصول مذکورہ ده مصدق و بو خصوصده آنلره موافق و مطابقدر .

بناءً علیہ اصول مذکورہ به متخالف و متضاد احکام و مسائلی محتوی اولان کتابلر من طرف الله نازل اولان کتب سہاوہ / جملہ سندن اولمدینی کی اصول مذکورہ به مغایر و ضد قواعد و مسائلی محتوی اولان دینلرده رسل کرام و انبیاء عظام حضرتانه نازل اولان دین حق ، دین الله دکلدر . اولیه کتابلر ایلہ اولیه دینلر انسانلر طرفندن مرتب و مصنع باطل شیلردر .

اسکالی

محمد عاطف

بر آیت مناسبتیه ۱

مابعد :

فقط عدداً غیر متناهی اولان موناذرده تنوعی استلزام ایدن «مبدأ تمایز» له وحدتی مستلزم اولان «مبدأ اتصال» ی نه وجهله تألیف اتملی ؟ موناذرک نصل هم مختلف ، هم مماثل اوله بیلیر ؟ «لایب نیچ» بو اعتراضه جواباً دیور که : بونک بویله

(۱) خالق تعالیٰ حضرت تلخی الوهیت و خواص الوهیتده ، یعنی واجب الوجود اولمقدہ ، خالقیت و معبودیتده توحید و شان الہی به لایق اولیان شیلردن تنزیه ایتمک .

(۲) خالق تعالیٰ به خلوص نیتله عبادت و تعظیم ، شعائر الہیہ بی اجرا و اعمال صالحہ بی ایفا ایلہ جناب الله قرب ایتمک ،

(۳) الله تعالیٰ نك ملک لرینه و من طرف الله وحی و انزال اولان کتاب لرینه ، پیغمبر لرینه ، قضا و قدر الہی به ، یوم آخرتک ، بعث جسمانی نك ، جنت و جهنمک و سائر احوال آخرتک حقیقته ایمان ایتمک ،

(۴) اوامر و نواہی سنده الله تعالیٰ به اطاعت ایتمک ، (۵) پیغمبران کرامه اطاعتک ، کلمه شهادتک ، صلاتک و صومک ، حجک ، وزکاتک فرضیتنی اعتقاد ایدوب مقتضاسیلہ عمل ایتمک ،

(۶) دعا ، تضرع ، ذکر الله و کتاب منزلی تلاوت و سائر نافله عبادت ایلہ الله تعالیٰ به تقرب ایتمک .

(۷) رذائل احوال دن احتراز ایدوب مکارم اخلاق ایلہ اتصاف ایتمک ،

(۸) نکاح ، مشروع اولوب سفاح حرام قلنمق ،

(۹) عدل و احسان ، صدق و استقامت ، عہده و فاء ،

اماتی ادا ایلہ امر ، کذب ، ظلم ، خلقه اذا ، حقوق عبادہ تصدی و تجاوزی منع و تحریم ایتمک ،

(۱۰) امر بالمعروف ، نہی عن المنکر وظیفه سنی

اجرا ایتمک ،

(۱۱) اهل معاصی به عصیانک درجه سنه کوره

حدود و تعزیرات اجرا ایتمک ،

(۱۲) اعلاء کلمه الله مقصد مبجلی ایچون - نقض

عہد و وقوعنده - اعدای الہیہ ایلہ جهاد ایتمک ،

(۱۳) دین الہی نشر و تعمیم خصوصنده جهد

و غیرت ایتمک . ایشته بالعموم پیغمبران کرام حضرتانک

اجتماع و اتفاق و کتب سہاوہ نك موافقت و اتحاد ایلدیکی

اصول اسلامیه واركان دین بولردن عبارتدر .